




Qeqqata Kommunia

2022  
2026

2022-mit 2026 tikillugu pilersaarusiornermut  
periusissiasatut siunnertuut



**IMARISAI**

1. Siulequt
2. Ilisaritsinneq
3. Naalagaaffiit Peqatigiit nunarsuaq tamakkerlugu anguniagaat
4. Suliniuteqarfiit
  - 4.1 Inuunerissaarneq
  - 4.2 Peqqinneq
  - 4.3 Meeqqat, inuusuttut meeqqallu atuarfiat
  - 4.4 Ilinniartitaaneq inuusutissarsiutinillu siuarsaaneq
  - 4.5 Kulturi sunngiffillu
  - 4.6 Aalisarneq piniarnerlu
  - 4.7 Takornariaqarneq
5. Inoqarfiit
  - 5.1 Sisimiut
  - 5.2 Sarfannguit og Itilleq
  - 5.3 Kangerlussuaq
  - 5.4 Kangaamiut
  - 5.5 Maniitsoq
  - 5.6 Atammik og Napasoq
6. Pilersaarusiornermut killiffimmu takusutissiaq

2022 – 2026  
 Pilersaarusiornermi periusissiaq I Planstrategi  
 Aaqqissuisoq I Qeqqata Kommunia  
 Ihusilersuisut I Layout Qeqqata Kommunia  
 Assit I Foto Qeqqata Kommunia  
 Naqiterneqarfia I Tryk SIS OFFSET  
 © 2022 qeqqata kommunia  
 Saqqummiisoq I Udgivet af  
 Qeqqata Kommunia  
 Makkorsip Aqq. 2 – Box 1014 – 3911 Sisimiut  
 Allanik taasisoqarsimangippat assit tamarmik sulisunit  
 ACB-milluunniit assilisaapput

**AALLAQQAASIUT**

Pilersaarusiornermi periusissami 2022 - 2026-mi Qeqqata Kommuniata ukiuni tulluittuni ineriartortinneqarneranut Naalagaaffiit peqatigiit piujuaannartussamik ineriartornissamut nunarsuarmi anguniagaat toqqammavissatut atorneqqassat kommunalbestyrelsip toqqarnikuuaa.


Naalagaaffiit peqatigiit 2030 tungaanut nunarsuarmi anguniagaat 17-iusut nunarsuarmi piujuaannartuunerusumik nunarsuaq tamakkerlugu, inooqataanikkut, avatangiisitigut aningaasaqarnikkullu ineriartornissamut pilersaarummik ilaqarput. Nunarsuarmi anguniakkat nunat immikkoortuini nunallu assigiinngitsut akornanni ineriartortitsinermut ataatsimut paasinnittaatsimik aammalu ataatsimut sinaakutissanik pilersitseqataassapput, nunallu killeqarfii akimorlugit suleqatigiinerup pingaaruteqassusaanik naqissusiissallutik. Nunarsuaq piujuaannartoq pillugu anguniagaq taanna Qeqqata Kommuniiani taperserparput ukiunilu arlalinni taamaalioreerluta. 2013-imi atuilluartaunissamut suliniut ineriartortittarput ilaatigut atuilluartaunissamut aningaasaliissutinik pilersitsinermik kinguneqartoq, innuttaasunit suliffeqarfinniillu ingerlaavartumik atuilluartaunissamut suliniutinik suliaqarusuttunit sulii ullumikkut qinnuteqarfigineqarsinnaasoq. Nunarsuaq tamakkerlugu isiginnissuteqarluni kommuni mikisunnguugaluarluta annertunerusumik isiginnissinnaalluta isumaqarpugut aammalu inuiaqatigiinnik atuilluartaunerusunik ineriartortitsinermut akisussaaqataanerup ilaanik tiguisinnaalluta.

Kommunip immikkoortortani arlalinni ineriartortitsinissamut suliniutit suliaqarfiini angunniagassanik pilersaarusiornermi periusissaq nassuiaasuummat, kommunimi ingerlatsivinnut tamanut sulinermi sakkussaavoq pingaaruteqartoq. Taamaaliornikkut kommunimi timitalimik aningaasaqarnikkullu pilersaarusiornermut, pilersaarusiornermut periusissiaq aallaavimmik pilersitsivoq. Ukiuni tulluittuni sisamani immikkut ukkataqarfigisassatsinnik Kommunilbestyrelsi nunarsuarmi anguniakkanik qulinik toqqaanikuvoq. Pilersaarusiornermi periusissiami aallaaviusussanngortunik anguniakkat suliniuteqarfiusunut assigiinngitsunut arfineq-marlunnut kattutsitsivoq. Suliniuteqarfiusunut tamanut taakkunungarpiat sumiiffimmilu suliniutinik assigiinngitsunik anguniakkanik arlalilinnik anguniagassiisoqarpoq, nunarsuarmi anguniakkanik suliniuteqataaansatsinnut qulakkeerinneqataaasuussanik. Suliniuteqarfiit arfineq-marluusut tassaapput 1 inuunerissaarneq, 2 peqqinneq, 3 meeqqat, inuusuttut meeqqallu atuarfia, 4 ilinniartitaaneq inuusutissarsiutinillu siuarsaaneq, 5 kulturi sunngiffillu, 6 aalisarneq piniarnerlu aamma 7 takornariaqarneq.

Suliniuteqarfiusunik arfineq-marlunnik ilisarititserernerup kingorna kommunimi inoqarfinnik ataasiakkaanik kiisalu pilersaarusiornermi ingerlanerani suliniutit aallartinneqartussatut naammassineqartussatulluunniit naatsorsuutigineqartunik allaaserinnittoqarpoq. Kapitali kingullermi Qeqqata Kommuniat 2012-imit 2024 tungaanut kommunip pilersaarusiornermi akuersissuteqarenermi pilersaarusiortarnerup iluani susoqarsimaneranut killiffissiuisoqarpoq. Kalaallit Nunaanni kommunit sinneri assigalugit nunatarujussuarmi siammassissumi aammalu inoqarfiit akornanni ungasissumik ungasissuilinni kommunimut unammillernartoqarsinnaallunilu periarfissaqarsinnaavoq. Taamaattumik suliniutit ukkatarinissat eqqortumillu pingaarnersiuinissarput pingaaruteqarpoq. Tamanna ilaatigut ima isumaqarpoq, periarfissat takkuppata tigunissaat ukkatarissagippat aammalu sungiusimasat maliinnarlugit isumaliortarneq unammillissagippat. Pilersaarusiornermi periusissiatigut immitsinut nutaamik annertunerusumillu isiginnissanngussaagut, Qeqqata Kommuniannillu atuilluartaunissamut ineriartornissamik anguniagalimmik suliaqarnissamut periarfissamik tiguisilluta kommunalbestyrelsilu kissaatigaa, ineriartornermi kommunimi innuttaasut suliffeqarfillu aalajangeeqataanerunissaannik sunniuteqataanerunissannillu tunineqqassat.

Malik Berthelsen, Borgmesteri

Sisimiuni, Maniitsumi Qeqqata Kommunianilu innuttaasut ineriartornerat katillugit.



- Qeqqata Kommunia
- Sisimiut
- Maniitsoq
- Nunaqarfiit katillugit





# Inuunerissaarneq

**Qeqqata Kommuniani innuttaasut tamarmik ingerlalluarnissaat aammalu ulluinnarmik toqqissisimasumik sinaakkutilimmik misiginissaannut anguniagalimik sulisoqassaaq.**

Inuunerissaarnissamat naatsorsuutigisaaq tamatta immikkut kissaatigisatsit inuuneq inuuffigisatsinnut inuuneq pitsaasoq toqqammaviuvoq. Meeqqamat, inuusuttumut, inersimasumut utoqqarmullu inuunerissaarnermik toqqissisimanermillu pilersitsinissamat kommunitut peqataarusuppugut. Immitsinnut inoqarfignullu qanoq ineriartornissaannut akisussaaffimmik tamatta tigussiffiusumik inuiaqatigiinnik kissaateqarpugut. Taakunga angummanniarluta piumasaqaateqassaaq aammalu innuttaasut namminneq nukissaat atortillugit. Inoqarfinni ataasiakkaani toqqissisimasoqarnissaa peqqinnartunillu avatangiiseqarnissaanut innuttaasoqatigiinni tamat akornanni inuunerissaartumik inuusoqarnissaanut ataatsimoorluta sinaakkusersuissaagut. Anguniagarput tassaavoq, innuttaasut sinneri assigalugit innuttaasut immikkut pisariaqartitsisut nalilimmik inuuneqarnissaat. Innarluut toqqissisimanartumik isumaqarluartumillu inuuneqarnissamat akimmiffiusariaqanngilaq. Inunnut timikkut eqqarsartaatsikkullu innarluutilinnut suliffeqarfiit akuutitsinerulernissaannut suliniarpugut. Tamanna Tilioq, Pissassarfik, Majoraq kommunimilu ingerlatsiviit attuumassuteqartut akornanni suleqatigiinnerup nukittorsarneratigut pisinnaavoq. Innuttaasut ikiorneqarnissamat immikkut pisariaqartitsisusut tamarmik pisortanit naligiittut isigineqarnissaat ataatsimullu isiginnittumik sullissisarnissap ingerlanneqartarnissaa tamaviaarutiginiarpugut. Taakku saniatigut inuiaqatigiiaanut assigiinngitsunut ornittakkanik pilersitsinissamat suliniarpugut, attuumassutsit ataatsimoornerillu inunni ataasiakkaani atugarissaarnerulernerannut annertusaqataasarnerat upperigatsigu.

Inuunerissaarneq pillugu sinnaakkutinut sinaakkutit atukkat ammattaq ilaapput. Attavilersuutit illuutigisallu ineriartortissavagut aserfallatsalillugillu aammalu innuttaasut toqqissisimanissaat inuulluataarnissaallu siunertarlugu innuttaasunut tamanut tikikkuminarsaaneq qulakkiissallugu.

## ANGUNIAKKAT SULINIUTILLU


**Kommunip tigussaasumik sinaakkutai innuttaasunut immikkut pisariaqartitsisunut toqqissisimanerulernermik inuulluataarnermillu tunisisarput.**

Inunnut innarluutilinnut pisortat illuutaannut appakaassinnaaneq illoqarfitsinnilu tikikkuminassuseq pitsaanerulersillugu Utoqqarnut, inunnut innarluutilinnut, siusinaartumik pensionisialinnut il.il. ornittakkanik pilersitsinissamat sulissaagut. Innuttaaqatigiinnut assigiinngitsunut qimarnguinnik angerlarsimaffeqanngitsunullu unnuisarfinnik pilersitsineq Innuttaasunut puigortunngorsimasunut immikkoortunik assiaqutilinnik pilersitsinissamat sulissaagut Utoqqarnut inissianik ullutsinnut tulluurtunik pilersitsinissamat aammalu utoqqaat namminneq angerlarsimaffimminni sivisunerusumi najugaqarsinnaanerannut sulissaagut

**Kommunip ingerlatsinera sullissineralu innuttaasunut immikkut pisariaqartitsisunut nukittorsaaavoq**

Innuttaasut sapinngisamik amerlasuut sulisinnaassuseqarnissaat imminnullu pilersortuunissaat tapersersorlugu Pisortat paaqqinnittarfutaanni sulisut ilinniarsimasut amerlanerusut atorfinitsinneqarnissaat salliutillugu Ingerlatsiviit akornanni suleqatigiinneq nukittorsarlugu atugarissaarnermillu immikkoortortap iluani sullissisarnarup pitsaanerulernissaanut ingerlariaatsimik suliaqarluta Innarluutilinnut politikki malinneqarnissaa inatsillu malinneqarnissaa qulakkeernarlugu Tiliormik Pissassarfimmillu suleqateqarneq nukittorsarlugu

Utoqqaat 65 + amerlassusaat (Qeqqata Kommunian tamakkerlugu)



● Qeqqata Kommunian



## NUNARSUARMII ANGUNIAKKAT

- 1 Piitsuussuseq atorunnaarsinneqarli
- 4. Ilinniartitaaneq pitsaassusilik
- 8. Suliffik naapertuuttoq aningaasaqarnikkullu siuariartorneq
- 10. Naligiinnginneq annikinnerusoq
- 11: Inoqarfiit piujuartitsiffiusut
- 16. Eqqissineq, naapertuilluarneq sullissiviillu qajannaatsut
- 17 Suleqatigiinnikkut anguniagaqarneq
- 1.3: Inooqataanikkut isumannaatsuunissamat attaveqaatinik atuutsilerneq
- 4.4: Inuit imminnut pilersorsinnaasut amerlassusaat qaffallugu
- 8.5: Tamakkiisumik suliffimmik aammalu suliffimmik naapertuuttumik assigiimmik akissarsiaqarfiusumik pilersitsineq
- 10.2: Inooqataanikkut, aningaasaqarnikkut politikikkullu akuliusimanagerup nukittorsarneqassapput.
- 11.3: Illoqarfiit akuliukkuminarsarneqassapput atuiluartaunngorsarneqassallutillu
- 16.6: Paaqqinnittarfinnik sunniuteqarluartunik, akisussaassuseqartunik takunnissinnaassuseqartunillu pilersitsineq
- 17.17: Suleqatigiinnut sunniuteqarluartunut ilaliineq

# Peqqinneq

**Qeqqata Kommuniata pingaartinnerpaasaa tassaavoq innuttaasut timikkut eqqarsartaatsikkullu peqqissuusut. Taamaattumik kikkunni tamani peqqinnartumik inooriaaseqarnermik siuarsaataasunik suliniutinik suli sulisoqassaaq.**

Qeqqata Kommuniani innuttaasut akornanni peqqissuunerup qaffasarneqarnissaanik suliaqarneq ingerlatteqissavarput, ilaatigut inunnik ataasiakkaanik ilitsersuinikkut aammalu peqqissusermik ukkaqatartumik suliniutit tapersornerisigut. Innuttaasut timimik aalatitsinerunissaasa qaffasarneqarnissaanik sulinerup saniatigut, innuttaasut eqqarsartaatsikkut peqqussusa ukkatarineqarnerata nukittorsarneqarnissaa kissaatigaarput, taakku imminnut ataqtigimmata. Pinngortitamiinneq eqqarsartaatsikkut peqqinnermik siuarsaataasinnaasoq uppeaarput, taamaattumillu kissaatigaarput inoqarfitta eqqaani pinngortitat qanittut tamanut tikikkuminarnerulernissaat.

2018-imi nuna tamakkerlugu innuttaasunik misissuinerup atattillugu "Kommunikaartumik innuttaasut peqqissusiat Qeqqata Kommunia" nalunaarusiami inernerit ataatsimut takutippaat, Qeqqata Kommunianit peqataasut amerlanersaat pitsaasumik peqqissuseqartut aammalu ataatsimut isigalugu timiminnik aalatitsisuusut. Taamaattorli nalunaarusiap ammattaq takutippaa, innuttaasunit amerlassutsit ilaat oqimaapparlaartuusut qaffasissorujussuusooq, Qeqqata Kommunianilu innuttaasut affaat sinnerlugit ullut tamaasa pujortartartut. Nalunaarusiap takutippaataaq, ukioqatigiiaat allat sinnerinik sanilliullugu inuusuttut amerlanerit akornanni ernumanartumik nalinginnaaleriartortumik imigassamik pitsaanngitsumik atuisartut. Nalinginnaaleriartornerit taakku piumasqaatitativaat, kommunip tungaanit kikkut tamat assigiimmik peqqinnarnerisumut inuuneqalernissamut sulisoqassasoq aammalu pualavallaartut amerlassusaasa pujortartartullu ikilisinneqarnissaannut sulisoqassasortaap. Qeqqata Kommunia 2022-mi maajip aallaqqaataani pujortartarnermut politikkimik nutaamik atuutlersitsivoq. Taamaalluni kommunimi atorfilinnut tamanut sulinerup nalaani pujortartarnerup inerteqqutaalernikuvoq. Suliniummik taassuminnga siunertaasoq tassaavoq pujortartartut amerlassusiisa appartinneqarnissaat, pujortartarnerup ersarinnerata appartinneratigut, pingaartumik meeqqanut inuusuttunullu. Pitsaaliuinermik sulinerput ingerlateqqissavarput aammalu sammisassanik neqeroorutit, peqqinnartumik nereriaaseqarneq kiisalu aanngajaarniutinik pujortarnermillu ajoqutaasunik atuinnikkalluarluni inooriaaseq pillugit paasititsiniaanikkut peqqinnartumik inuuneriaseq siuarsassavarput.

Qeqqata Kommunia ammattaq Kalaallit Nunaanni Timersortartut Kattuffianik suleqatigiinnissamik isumaqatigiissuteqarnikuvoq, meeqqanut inuusuttunullu akuutitsisumik peqqinnartumillu avatangiiseqarneq kiisalu inuunerissaarnermut sinnaakkutinik pilersitsisuusumut sunngiffimmi inuunermut peqataanermut akuunermullu qulakkeerinnittumik. Takorluugaqarluni isumaqatigiissummik ukkataqarfusut anguniagalimmik suliaqarfigniarpagut, tassaasut sunngiffik aalaffiusoq atuarfillu akuutitsisuusorlu aamma kinguaariit akimorlugit Ataatsimoorneq.

## ANGUNIAKKAT SULINIUTILLU

### Kommunip atortorissaarutai peqqinnermut tapersersuisuupput

Sapinngisamik pitsaanerpaamik atornerqarnissaasa qulakkeernissaannut timersornermi atortut aserfallatsaalillugit

Pinngortitamut appakaassinnaanerup kiisalu pinngortitamiinnissamut unnuinissamullu periarfissat pitsaanerulersinneqarnissaat

Maniitsumi Sisimiunilu naluttarfinnik sanaartorneq

### Kommunip suliniutai innuttaasut peqqissusaannik nukittorsaatapput

Timersornermut kulturikkullu neqeroorutitut aningaasaqarnikkut tapiissuteqarnikkut sapinngisamik amerlanerpaanut peqqinnartumik inuuneqalernissamut periarfissiineq

Pitsaaliuinerup nukittorsarnissaanut peqqinnissaqarfimmik akimortumik suleqateqarneq Aasaanerani ukiukkullu pinngortitamik atulluni atuarfiit atuannngiffiini sammisanik aallartitsineq


Suliniutit immikkoortut aqutugalugit pujortartartut aamma inuit ajoqutaasumik imigassamik atuisut amerlassusaasa appartinneqarnissaat

Sunngiffimmi neqeroorutit, peqqinnartumik nerisaqarneq atornerluinngikkalluarlunilu inooriaaseqarneq pillugu paasissutissiineq

Inuusuttunnguunermit peqqinnartumik inooriaaseqarnermik ukkataqartumik meeqqerivinni meeqqallu atuarfiini suliniutinik aallartitsineq



Inuunerup siviissusaa agguaqatigiisillugu (nuna tamakkerlugu)



## NUNARSUARMI ANGUNIAKKAT

3. Peqqissuseq atugarissaarnerlu

11: Inoqarfiit piujuartitsiffiufut

17. Suleqatigiinnikkut anguniagaqarneq

3.4: Nappaatinit tuniluuttunngitsunit toqussuteqannginnissaanik amerlanerit annaallugit peqqinnartumillu eqqarsartariaatsip nukittorsarneqarnissaa

3.5: Aanngajaarniutinik imigassamillu atornerluinermik pinaveersaartitsineq katsorsaarnerlu

11.3: Illoqarfiit akuliukkuminarsarneqassapput atuilluartaunngorsarneqassallutillu

11.7: Kikkut tamat tamanit orninneqarsinnaasunngorlugit

17.17: Suleqatigiinnut sunniuteqarluartunut ilaliineq

# Meeqqat, inuusuttut meeqqallu atuarfiat

**Meeqqat ineriartornerannut atugarissaarnerallu pillugit sinaakkutinik pitsaasunik pilersitsisoqassaaq kiisalu paaqqinnittarfinni meeqqallu atuarfiini pitsaassutsimik qaffasissumik qulakkeerisoqassalluni.**

Meeqqat inuusuttullu inuiqatigiittut siunissaraavut. Pitsaasumik inuuneqarnissatsinnut naatsorsuutigisat pitsaanerpaat pissarsiarisinaajumallugit, sinaakkutinik pitsaasunik pilersitsisoqassaaq, taamaalillutik meeqqat tamarmik ingerlalluarnissamut ineriartornissamullu assigimmi periarfissaqassallutik. Tamanna paaqqinnittarfinni meeqqallu atuarfianni, aammali paaqqinnittarfinni inuunerup avataani atuuppoq. Paarsinissamik neqerooruteqarnitsinni meeqqat toqqissisimanermik tapersorsorneqarnermillu misigitinnissaannut ineriartortinnissaannullu, meeqqanut pitsaasumik sinaakkusiinissarput pingaaruteqarpoq. Matumani kommunitut sulissutigiarput naammattunik inissaqarnissaat aammalu meeqqeriviit meeqqallu atuarfiata akornanni pitsaasumik ataqatigiinnissap ikaarsaarfeqarnerullu qulakkeerneqarnissaa. Meeqqat atuarfianni tamanut inissaqartitsineq pingaaruteqarpoq aammalu atuartsineq atuartunut atuagarsornikkut unammillernartitalit tigusinnaassagaat. Aammattaq meeqqat inuusuttullu peqqinnartumik ileqqoqalernissaanut aamma aalasumik, timersornermik ataatsimoornermillu ulluinnarni peqataaffiusumut ikiuunnissamik suliniarpugut. Ilaatigut meeqqat atuarfianni atuartsinerimi timimik aalatitsinerunermik atuutsitsilernikkut taamaaliussaagut, tamatumani aalaneq annertunerusumik atuagarsorluni atuartsinerup ilaatut akuutinertatigut, meeqqat ilikkarsinnaassusaat atugarissaarnerallu qaffanneqarnissaat anguniagaalluni. Meeqqat ilikkarsinnaanerannut atugarissaarinnissaannullu angajoqqaat inissisimanerat aalajangiisuvoq, taamaattumik angajoqqaat meeqqamik atuarnerat pillugu pisussaaffiit qanoq tapersorsuinissarput pillugu ilisimasamik annertunerusumik ingerlatitseqqiissaagut. Angajoqqaanik qanittumik suleqateqarnerup qulakkeernissaanut suliasagut suliarissavagut, taamaalilluni akisussaaffimmik tigusinissamut, qanilaarnissamut meeqqamillu killiliisinnaanerannut sinnaakkutissarsillutik. Pisuni meeqqat angerlarsimaffimmini ajornartorsiuqarfigisaanni, inunnik isumaginninnermik siunnersortinit, sullissisunit oqaloqatiginnittartunilluunniit siusissukkut ikiuunnermik aallartitsarinnissaq salliuanniarpurput. Taamaaliornikkut qulakkeerniarparput, sapinngisamik siusissukkut ajornartorsiuqat pillugit suliaqartoqassaaq meeqqallu salliuatinneqartutut misigisimanissaat.

## ANGUNIAKKAT SULINIUTILLU


### Atugarissaarluni ineriartorlunilu meeqqat inuunerat pitsaasoq

Oqaloqatiginnittartunit/sullissisunit meeqqat angerlarsimaffimmi ajornartorsiuqat siusissukkut ikiorneqarnissaasa qulakkeerneqarnissaa Ilaqutariinnut tapersorsuineq qulakkiissallugu, taamaalillutik angajoqqaat akisussaaffimmik tigusinnaaniassammata killiliisinaallutillu Ilaqutariit meerartallit angerlarsimaffimmi ajornartorsiuqatinnut ikiorsiinissaq tapersorsuinissarlugu pillugu neqeroorutit amerlanerusut qulakkeerneqarnissaat Meeqqanut tamanut pitsaasumik tigussaasumillu sinaakkutilinnik meeqqerivinni inissat qulakkeerneqarnissaat Kommuniq pigisaanik ulloq unnuarlu paaqqinnittarfinnik pilersitsineq, meeqqat angajoqqaamik illoqarfigisaanni najugaqatiginissaat qulakkeerniarlugu


### Meeqqat atuarfianni pitsaassuseq

Meeqqeriviup meeqqallu atuarfiata akornanni ikaarsaarnerup pitsaanerulersinneqarnissaa qulakkeerlugu Atuariartorneq qaffassarniarlugu aamma amerlanerusut ilinniartinnut pisalernissaat qaffassarniarlugu inuiaqatigiinni meeqqat atuarfiannut ataqinninnerup qaffasinnerulernissaa qulakkeerlugu Meeqqat atuagarsornikkut ajornartorsiuqartut nukittuffii aallaavigalugit atuartinneqartarnissaannut qulakkeerinnineq Atuartut atuarfimmi ingerlalluannigitsut ikiorniarlugit atuarfinni inunnik isumaginninnermi siunnersortinik atorfinitsitsineq Meeqqat ingerlalluannigitsut ikiorniarlugit atuarfinni meeqqerivinnilu inunnik isumaginninnermi siunnersortinik atorfinitsitsineq Assersuutigalugu tuluttut, kulturimut il.il. atuartsinermik siunertalimmik illoqarfittut ikinngutinik pilersitsineq Atuarfiit atugassarititaat ullutsinnut naleqqussarlugit Nunarsuarmioqatinut anguniagaq nr. 4 tunngavigalugu atuartsinerimi kulturikkut ilisimasat ilaatinneqassapput

Meeqqat atuartussaataasut (6-16 ukiullit) amerlassusaat



Meeqqerivinni meeqqat 0-miit 5 tikillugit ukiullit amerlassusaat



## NUNARSUARMI ANGUNIAKKAT

1 Piitsuussuseq nungutillugu

4. Ilinniartitaaneq pitsaassusilik

16. Eqqissineq, naapertuilluarneq sullissiviillu qajannaatsut

- 1.3: Inooqataanikkut isumannaatsuunissamut attaveqaatinik atuutsitsilerneq
- 4.2: Meeqqat suli atualingitsut qaffasissumik pitsaassusilimmik ulluunerani neqeroorusiorfigalugit
- 4.6: Kikkut tamaasa atuarnermik, allannermik kisitsinermillu ilinniartillugit
- 4.4: Inuit imminnut pilersorsinnaasut amerlassusaat qaffallugu
- 4.A: Atuarfiit isumannaatsut akuutitsisullu sanaartorneqarlik qaffassarneqarlutillu
- 16.6: Paaqqinnittarfinnik sunniuteqarluartunik, akisussaassuseqartunik takunnissinnaassuseqartunillu pilersitsineq

## Ilinniakkat inuussutissarsiornikkullu siuarsaaneq

**Inuusuttut suliffeqanngitsullu ilinniarnermik ingerlatsinissamik suliffeqalernissamilluunnit ikiorserneqassapput illoqarfigisamilu suliffeqarfiit tapersersorneqassapput.**

Ilinniartitaaneq inuiaqatigiinut innuttaasunullu ataasiakkaanut naleqarnermik tunniusseqataasarpog. Ilinniartitaaneq ineriartornermut, aammali atugarissaarnermut, avammut isiginnittaatsimut kulturikkullu kinaassutsimut tunniussisarpog. Taamaattumik kommunimi tamarmi ilinniartoqarfinni ukkataqarnissarpot ilinniartinnullu amerlanerusunut atugassaateqarnissamut illoqarfiit ineriartortinneqarnissaanut peqataanissaq pingaaruteqarpoq.

Kommunip tungaanit sulissutiginiarpaput, kommunimi tamarmi inuusuttut inersimasullu ilinnialernissamut ikiorneqarsinnaanerat kajumissaarneqarnissaallu.

Aammattaq uagutsinut pingaaruteqarpoq, inuit suliaqartarnissaat suliffeqarnissaallu, inuiaqatigiinni aammattaq naleqartitanik pilersitseqataasarmata.

Ilutigitillugu inuiaqatigiinni naleqartutut misigisimagaanni, innuttaasunut ataasiakkaanut aammattaq annertuumik isumaqarsinnaavoq. Sulineq taanna Majoriamik inunnik sulilernissamut, ilinnialernissamut piginnaanngorsarnissamullu ilitersuisartuusumik qanimut suleqateqarluni pissasoq kissaatigaarpot.

Taamaattumik pingaaruteqarportaaq ilinniartoqarfiit inuussutissarsiuteqartullu akornanni suleqatigiinnermik ineriartortitsisoqarpat, taamaalluni imminnut atanerulerlutik imminnullu naleqartinnerunermik pilersitsissallutik, assersuutigalugu kommunimi tamarmiusumi sulisunik nutaanik sulilersitsinissaq ajornaannerulersinneratigut.

Inuussutissarsiuteqartunut tunngatillugu sinaakkutinik pitsaasunik pilersitsineq pingaaruteqarpoq, kommunimi ineriartornermik suliaqarfiusumillu atuilluartuusumik aningaasaqarnermik pilersitseqataasussaammat. Uani Arctic Circle Business pingaarutilimmik inissisimavoq, politikikkut attuumassuteqanngitsumik kattuffittut Qeqqata Kommunua tamakkerlugu suliaqartuugami, inuussutissarsiornermik ineriartornermik pilersitsinissamik siunertaqartoq aammalu inuussutissarsiutilinnut oqaaseqartartuugami.

Suliffeqarfinnik aallartissaasunut pitsaasunik atugassanik Arctic Circle Business pilersitsinissaanik suleqatigalugu pilersitsinissaq aammalu illoqarfigisami suliffeqarfiit siuarsarnissaanni suliaqartoqarnissaa pingaaruteqarpoq.

Tamatuma saniatigut kommunimi erngup nukinganic nukissiorfitsigut mingutitsinngitsumik atuissamut anguniagaqarnerusumik siuarsaasumillu politikikkut isiginnittaaseqarnerusumik suliaqartoqarnissaa kissaatigaarpot.

## ANGUNIAKKAT SULINIUTILLU

**Innuttaasunut tamanut ilinniartitaanermut systemi**

Inuusuttunut ilinniartinnut ingerlaqqissimangitsunut imaluunnit meeqqat atuarfiata naammassinerata kingorna sulilersimangitsunut suliniutinik qulakkeerinnineq, assersuutigalugu ataasiakkaanut anguniagaqartumik ilinnialersinnaanermut pitsaanerusumik ilitersuinikkut.

Ilinniartoqarfiit suliffeqarfillu akimorlugit pitsaanerusumik suleqatigiinnermik qulakkeerinnineq

**Inuussutissarsiuteqartut pitsaasunik atugassaartitaapput**

Suliffeqarfinnut suliffinnullu nutaanut tapersersuinnermik qulakkeerineq


Aallarnisaasunut suliffeqarfinnillu aallartartunut isiginnittuusunik sinaakkutinik qulakkeerinnineq

Inuussutissarsiuteqartut nukittorsarneqarnissaanik qulakkeerinnineq, ilaatigut inuussutissarsiornermi siunnersuisooqatigiit Arctic Circle Business ineriartortinneqarneratigut

Suliffeqarfinnik qammaaneq assersuutigalugu inuussutissarsiornermik ineriartortitsinermik tapertaasusunik atortulersuutinik sanaartukkanillu aningaasaliinikkut, erngup nukinganic nukissat periarfissaasut atorluarnerisigut kiisalu nunani allani nunamik pitsanngorsaanermut atugassatut kinnernik sioraaqqanik assartuinikkut.

Illoqarfigisami pisianik illoqarfimmilu sulisinnaasunik atuineq suliffimmillu misiliffissat ukkataralugit.


Suliffeqartut amerlassusaat



● Sisimiut  
● Maniitsoq



Suliffeqanngisut amerlassusaat procentinngorlugit



● Sisimiut  
● Maniitsoq

## NUNARSUARMI ANGUNIAKKAT

4. Ilinniartitaaneq pitsaassusilik

8. Suliffik naapertuuttoq aningaasaqarnikkullu siuariartorneq

9. Suliffissuit, nutaaliorneq attaveqaasersuutillu

10. Naligiinnginneq minnerusoq

17. Suleqatigiinnikkut anguniagaqarneq



4.2: Meeqqat suli atualinngisut qaffasissumik pitsaassusilimmik ulluunerani neqeroorusiorfigalugit

4.6: Kikkut tamaasa atuarnermik, allannermik kisitsinermillu ilinniartillugit

4.4: Inuit imminnut pilersorsinnaasut amerlassusaat qaffallugu

4.A: Atuarfiit isumannaatsut akuutitsisullu sanaartorneqarlik qaffassarneqarlutillu

8.5: Tamakkiisumik suliffimmik aammalu suliffimmik naapertuuttumik assigiimmik akissarsiaqarfiusumik pilersitsineq

9.2: Akuutitsisut suliffissuaqaleriartorneerlu atuilluartuusoq tapersersorlugit  
10.2: Inooqataanikkut, aningaasaqarnikkut politikikkullu akuliusimanerup nukittorsarneqassapput.

17.17: Suleqatigiinnut sunniuteqarluartunut ilaliineq

# Kulturi Sunngiffillu

**Sunngiffimmi sammisanik assigiinnigitsunik ingerlatsinissamat piunasaqaatinik pitsaasunik peqartussaavoq, kulturikkut assigiinnigissitaarnermut inissaqartitsisoqassaag kulturikkullu kingornussat annaanginnissaat qulakkeerneqassalluni.**

Qeqqata Kommuniani Kalaallit Nunaanni annerpaamik sikuuneq ajortumik nunataqarpugut, pinngortitamik nalissaqanngitsumik kulturikkullu kingornussassamik annertuumik ilaqartumik, ilaatigut UNESCO nunarsuarmi kingornussassaqaarfimmik Aasivissuit - Nipisat-ni takuneqarsinnaasoq. Pinngortitarpugut kulturikkullu kingornussassaqaarfippugut kulturikkut sunngiffimmi misigisassanik pisuunnguallaataasumut pitsaassusaappugut tapertaasut. Nunatarujussuaq ukiuunerani aasaanerani sumiiffimmi innuttaasunit atorluarneqartarpoq. Qimussimik, qamuterallannik pisuunarluniluunniit nunatamik assigiinnigitsumik atuinitsinnut ataqinninnermik paasinninnermillu pilersitsinissaq sulissutigissavarpugut. Kikkunnut tamanut inissaqartitsisoqassaag.

Nuna tamakkerlugu naak qimmit qimuttut tamarmiusut malunnaatilmik ikileriaraluartut kommunitisinni qimmit qimuttut amerlassusaat aalajaatsunikuvoq aammalu 2013-miilli amerliartuarausaarnikuullutik. Qimminik qimuttunik kultureqarneq nalissaqanngitsorujusuvoq tulluusimaarutigarpugut taamaattumillu kommunip innuttait suleqatigalugit qimminik qimuttunik ileqqoqarnerup paariinnarneqarnissaanut ineriartortinneqarnissaanullu peqataalluta sulissaagut.

Aammattaq inoqarfitsinni utoqqartuulli inuusuttunut sunngiffimmi sammisassanik kulturikkullu pitsaasunik periarfissaqarnissaa pingaarteqarpoq, tamanna peqqissutsinnut inuulluataarnitsinnullu annertuumik sunnuteqarmat. Taamaattumik timersornermut kulturikkullu atugassatigut aserfallatsaalissavagut ineriartortillugillu najukkamilu nukissat sapinngisamik pitsaanerpaamik atorneqarnissaat qulakkeerlugu. Sunngiffimmik kulturimillu sulianik nikerartunik neqeroorutitut naatsorsuutigisaasunut nammeneq kajumissutsimik sulineq pillugu tapersersuinnermik illersuinnermillu ingerlatseqqisaagut.

Illoqarfitsinni angalaaraangatta illunik illoqarfimmi iluani avatangiiserisatsinnik sunnerneqartarpugut. Illut immikkoortullu erigisat kusanartut illoqarfinnut nunaqarfinnullu aamma najugaqartunut iluaqutaasumut kinaassutsimik tunniuseqataasarpugut aammalu takornarissanik inuusutissarsiuataatillinnillu qammaanermit sunnuteqataasarlutik. Taamaattumik illut immikkoortullu ilaanni

sinniisoqartoq kulturikkut kingornussaq pillugu mianerinninnissarpugut pingaarteqarpoq. Taamaattumik erigisassanik periusissiamik suliaqarniarpuqut illunik immikkoortunillu erigisassaasunik erseqqissaasussamik aammalu illut erigisassaasut qanoq suliarinissaannut aalajangersakkanik imaqtartussaasumik. Ilutigitillugu kommunimi inoqarfinni tamani sanaartukkanik isaqqaasunik eriginissaanut naleqanngitsunik amerlasuunik peqarpoq aammalu pisuni amerlanerni inissisimaffinni orniginartuni inissisimasuusunik, siunertanut nutaanut atorneqarluarsinnaasuni.

## ANGUNIAKKAT SULINIUTILLU


**Sunngiffimmi sammisassanik siammasissumik neqerooruteqarneq**

Nammeneq kajumissutsimik ingerlanneqartuusunik peqatigiiffiit aqqissuussallu pillugit tapersersuineq Illoqarfinni nunaqarfinnillu allani tamani innuttaasunut sunngiffimmi sammisassanik neqerooruteqarneq ineriartortitseqqiinerlu Timersornermik unamminermik ingerlatsinissamat atorsinnaasunik pioreersunik atorluanaissamat periarfissamik qulakkeerinninnek Sunngiffimmi sammisat pillugit sinaakkusiisinnasut atugassaritaasunik pitsaasunik peqarnissaata qulakkeernissaa


**Kulturikkut assigiinnigissaaq nukittoq**

Suliniutit kulturikkut siunertaqartut tapersersorlugit Kulturikkut ileqqugut nukittuut paariinnarlugit nukittorsarlugillu Illoqarfitta qanittuani pinngortitani qimussimik qamuterallannillu angalanerit ataqinnittumik imminnullu eqqarsaatiginnittumik pinissaannut sulineq Qimussernermit kulturimik paariinninnarnissap ineriartortitsinissallu tapersersornissaa Kulturikkut sammisat pillugit sinaakkutaasussanik atugassaritaasunik pitsaasunik qulakkeerinninnek Immikkoortunik illunillu erigisassanik periusissialiorneq Illunik ingutseriaannarnik suliaqarnissamat aallartitsineq


Qamuterallaat nalunaarsorsimasut amerlassusaat



● Sisimiut  
● Maniitsoq



Qeqqata Kommuniani qimmit qimuttut amerlassusaat



● Qeqqata Kommunia  
● Sisimiut



## NUNARSUARMI ANGUNIAKKAT

11: Inoqarfiit piujuartitsiffiufut

11.3: Illoqarfiit akuliukkuminarsarneqassappugut atuilluartaunngorsarneqassallutillu  
11.4: Nunarsuatsinni kulturikkut pinngortitamillu kingornussatsinnik illersuineq

# Aalisarneq piniarnerlu

**Aalisarnermik piniarnermillu inuussutissarsiuteqartunik suleqateqarneq ineriartortitsinerumut, ingerlatsinerumut aamma avatangisunik imartanillu mingutsitsinerup annikillisarneqarnissaanut tunngatillugu nukittorsarneqassaaq.**

Piniarneq aalisarnerlu sili kommunitisinni pingaarnertut inuussutissarsiutaavoq taamaattumillu kommunip aningaasaqarneranut toqqammaviliisuulluni. Aalisarnermit piniarnermillu nioqqutissat suliarineqanngitsut nunagisami niuernerumut avammullu assartuernerumut nioqqutissanik tunisassiornerumut tunngaviliipput. Umiarsualivimmi nunaminertanut atatillugu nunami atugassanik pisariaqartunik qulakkeerinninnikkut inuussutissarsiutit naammassisaqarfiusaanut ikiuussinnaavugut. Ilutigatillugu isumaqarpuguttaaq, aalisarnermik piniarnermillu illersorsinnaanerusumik atuilluarteruunerumillu ingerlatsinissami suliaqartartariaqaraluartoq, taamaalilluni aalisakkat piniagassallu assigiinngitsut amerlassusii ataannartussanngorlugit qulakkeerlugit. Piniagassanik piniarnermillu ingerlatsinerumut atatillugu, oqartussat attumassutillit sinnerinik kiisalu aalisarnermik piniarnermillu peqatigiiffinnik assigiinngitsunik soqutigisaqatigiinnillu allanik sulii pitsaanerusumik suleqateqarusuppugut. Immikkoortumik pitsaanerusumik ingerlatsinerumik iluatsittoqassappat nukittunerumumik suleqatigiinnissaq pingaaruteqartoq isumaqarpugut.


Kommuni aammattaq Sisimiuni umiarsualiveqarfimmit umiarsualiveqarnermi selskabimik pilersitsinissamik suliaqarpoq. Umiarsualiveqarnermi selskabimik ilaatigut kissaataavoq, kilisaatinut Sisimiuni annertunerumumik tulaassisarnissaq periarfissaassasoq kiisalu ataatsimut isigalugu aalisarnermik piniarnermillu inuussutissarsiutinut iluaqutaasumut aammali ilaatigut umiarsuarnik takornariartaatinik takornariaqarnerumut umiarsualivimmi pissutinik pitsaanerulersitsinissaq. Aalisarnermik piniarnermillu atuumassuteqarsinnaasunik avatangisutitigut kingunissaasut pitsanngorsarnissaanut suliniutinik arlalinnik ukiuni kingullerni ingerlatsereernikuuvugut tamatumalu ingerlaqqinnissaa kissaatigaarput. Annertunerumumik aalisarnermik piniarnermillu suliaqarnerumut atatillugu pinngortitamik imaanillu mingutsitsineq pineqarneruvoq. Taassuma pitsaanerulersinnissaanut illoqarfimmi aalisarnermik piniarnermillu peqatigiiffinnik, suliffeqarfinnik namminersortunillu suleqateqartoqarnissaa pingaaruteqarpoq. Kissaaterput tassaavoq, aalisarnermik piniarnermillu inuussutissarsiortuni ileqqut ilaannik allannguinissat, taamaalilluni pinngortitatsinnik mingutsitsinngitsumik eqqakkanik eqqortumik suliaqartarnissaq.

## ANGUNIAGAQ SULINIUTILLU


**Aalisarnermik piniarnermillu inuussutissarsiorneq pitsaasunik atugassaqaqrfiuvoq**

Aalisarnermik inuussutissarsiut illersorlugu pingaarnertut isertitaqarfummat suliffissanillu amerlasuunik pilersitsisarmat. Inuutissarsiutigalugu aalisartut piniartullu, sunngiffimmi piniartut tammajuitsussarsiniarlunilu piniariartitsisartut akornanni pitsaanerusumik suleqatigiinnerumut periusissiamik pilersitsinissaq sulissutigineqassaaq. Kommuni, aalisarnermik piniarnermillu inuussutissarsiortut, sunngiffimmi pinialuttartut aammalu tammajuitsussarsiorluni piniartitsisartut akornanni qaninnerusumik suleqatigiinnissamut periutsinik pilersitsineq. Aalisarnermik piniarnermillu inuussutissarsiortut mingutsitsinerumik annikillisaanissami ukkataqartumik suliniutinik tapersersuineq. Namminersorlutik Oqartussat, tunitsiviit, aalisartut piniartullu peqatigiiffisa akornanni pitsaanerusumik suleqatigiinnerumut periusissiamik pilersitsinikkut, inuutissarsiutigalugu aalisarnerup piniarnerullu pitsanngorsaaviginissaa sulissutigineqassaaq. Namminersorlutik Oqartussat, kommunip piniarnermillu peqatigiiffit akornanni pitsaanerusumik suleqatigiinnissamut periutsinik pilersitsinikkut piniartunik piniarnermillu ingerlatsinerumik pitsanngorsaaneq. Aaqquissuussaannerumumik pitsaanerusumillu aningaasaqarnermik atuinissaq siunertaralugu Sisimiuni umiarsualiveqarfimmut umiarsualiveqarnerumut selskabimik pilersitsineq. Aaqquissuussaannerumumik pitsaanerusumillu aningaasaqarnermik atuinissaq siunertaralugu Sisimiuni Maniitsumilu umiarsualiveqarfimmut umiarsualiveqarnerumut selskabimik pilersitsineq.


Qeqqata Kommuniani piniarnermik allgortanik pigisaqartut amerlassusaat



- Inuussutissarsiutigalugu piniartut (Sisimiut)
- Inuussutissarsiutigalugu piniartut (Maniitsoq)
- Sunngiffimmi piniartut (Maniitsoq)
- Sunngiffimmi piniartut (Sisimiut)



2012-imit 2021 tungaanut aalisakkat, raajat assagiarsuullu tunisat nalingat



- Sisimiut
- Maniitsoq

### VERDENSMÅL

- 8. Suliffik naapertuuttoq aningaasaqarnikkullu siuariartorneq
- 9. Suliffissuit, nutaaliorneq attaveqaasersuutillu
- 14. Imaani uumassusillit
- 17. Suleqatigiinnikkut anguniagaqarneq



- 8.5: Tamakkiisumik suliffimmik aammalu suliffimmik naapertuuttumik assigimmik akissarsiaqarfiusumik pilersitsineq
- 9.2: Akuutitsisut suliffissuaqaleriartorneq atuilluarteruusoq tapersersorlugit
- 14.1: Imaanik mingutsitsineq annikillissillugu
- 14.4: Aalisarneq atuilluarteruungortillugu
- 14.7: Imaani pisuussutinik atuilluarterumik atuinnikkut aningaasaqarnikkut pitsaaqutinik qaffaaneq
- 14.B: Aalisartuaqqat tapersersorlugit
- 17.17: Suleqatigiinnut sunnuteqarlartunut ilaliineq

# Takornariaqarneq

## ***Pinnngortitaq nalissaqanngitsoq kulturikkullu kingornussassaq annertoq misiginissaanut periarfissat tapersersornerisigut kommunimi takornariaqarneq ineriartortinneqassaaq.***

Misigisassarsiorluni aamma pinnngortitamut angalanermik aammalu kulturikkut misigisassanut nalissaqanngitsunut appakaassinnaanertalimmik aallaavilimmik soqutiginninneq annertusiartortoq nunarsuaq tamakkerlugu misigineqarpoq. Sermersuup sinerissallu akornanni isorartussuseqartumik nunatta timaa tupinnaannartoq, kommunitisinni takornariaqarnermik ineriartortitsinissamut annertuunik periarfissanik imaqarpoq. Ukioq kaajallallugu inissikkallarnermik sammisanillu pinnngortitatta tupinnaannartup neqeroortigisinnaasaatut periarfissat atorluarnerisigut takornariaqarnermi nioqutissanik nutaanik ineriartortitsinermi najukkami takornarialerisut tapersersornerisigut. Pinnngortitamik kulturikkullu misigisassanik nalissaqanngitsunut periarfissanik kisissaanngitsunik kiisalu tammajuitsussarsiuqatigalugu piniarnissamik neqeroorteqartoq, kommunitisinni takornariaqarnermik ornigassaq annertuujusup Kangerlussuup ineriartortinneqarneranik ingerlatseqqissaagut. Kangerlussuup Sermersuup aammalu serminut iigartartunut kusanartunut aamma UNESCO nunarsuarmi kingornussassaqarfianut Aasivissuit - Nipisat tungaanut pitsaasumik appakaaffisaqarpoq. Soqutisat sinnerinut allanut assersuutigalugu inuussutissarsiuqatigalugu piniarnermut nunap timaani takornariaqarnermik ineriartortitsineq aqqiagiinnginnermik pilersitsinnginnissaa tamaviaarutigissavarput. Taamaattumik illersorsinnaasumik illuatungeriit tamarmik pisariaqartitaannik soqutigisaannillu isiginnittumik ingerlatsinermut pilersaarummik nutaanik suliaqarniarput. Aammattaaq nunap timaani assigiinngitsutigit alutornarlunnartumik iluseqartartoq pinnngortitartup kulturerpullu tikeraat amerlanerusut misigisagaat sulissutigissavarput. Najugaqarfitta akornanni atortulersuutit pitsanngorsarneratigit, takornarissanut misigisassanik nutaanik periarfissat annertuut pilersinneqassapput. Taamaaliornikkut takornariaqarneq sumiiffimmi takornarialerisut pillugit aammalu illoqarfiit pingaernerit avataanni najugaqarfiit mikisut pillugit tapersersuinissamut peqataassaaq. Taamaattorli qulakkiissavarput, tikeraat amerlassusaasa qaffakkiartorneratigit pinnngortitatta kulturikkullu kingornussatta annikinnerpaamik sunnerneqarnissaa, taamaalilluni aserorneqannginniassammat annaaneqannginniassamalluunniit. UNESCO-qarfimmut takusassanut ingerlatsineq aammalu tikikkuminarsaanermik sulineq assersuussaavoq, nunap timaani pilersaarusiorneq qanoq atuilluartuusumik

takornariaqarnermik ineriartortitsineq ingerlanneqartarnersoq. Atuilluartuusumik suliaqarneq najukkami neqeroorteqartartut aamma takornarialerineri kattuiffit soorlu Visit Greenland aamma Destination Arctic Circle ilanngullugit takornarialerisut amerlanerusut akornanni atuilluartuusumik sulineq ingerlanneqassasoq kissaatigaarput, taamaalilluni immikkoortumi takornarialerisut tamarmik avatangiisinut sumiiffimmi inuuttaasunat ataqinnittumik takornariaqarnermut ineriartortitsinermut tunniussaqaarnissamut pitsaanerpaamik naatsorsuuteqaarsinnaaniassammata.

## **ANGUNIAGAQ SULINIUTILLU**

### ***Nunap atortulersugaanera pilersaarusiorneqarneralu takornariaqarnermik tapersiisoq***


Illoqarfiup killeqarfiani aammalu nunap timaani assersuutigalugu unnuinissamut atugassanik pilersitsinermut nunaminertanik takornariaqarnermut attuumassutillinnik immikkoortitsinermut pisariaqartitsinermik misissuineq Takornarissanut nioqutissanik nutaanut tapertaasussanut atortulersuutit (aqquserngit umiarsualiviillu) annertusarlugit Sisimiut Kangerlussuullu akornanni nunaannakkut aqqut inaarsarneqassaaq aammalu aqqusinermik sioraasumut qaffaanissamut piareersaatit aallartinneqassapput. UNESCO-qarfimmi takusassani toqqakkani allagartanik paasisutissanik peqartunik isikkivinnik pilersitsineq Maniitsumi arfernut katersugaasivimmik pilersitsisoqarnissaanut sulineq Arnangarnup Qoorua takornarissanut sulianut tikikkuminarsarnissaanut sulineq

### ***Takornariaqarnermik nukittorsaausumik kommunimi ingerlatsineq suleqatigiinnerlu***


Kommunimi tamarmiusumi sumiiffimmi takornarialerinerimik suliffeqarfiit aallarnisaasullu peqatigalugit ukioq kaajallallugu takornariaqarnermik ineriartortitsinissaq pillugu ACB-mik suleqateqarneq Nunani allanngutsaaliukkani nunarsuarmi kingornussassaqarfinni suleqatigiinneq ineriartortillugu nukittorsarlugulu Suliaqartut attuumassutillit peqatigalugit Kangerlussuup eqqaani immikkoortumut ingerlatsinermik pilersaarummik nutaanik suliaqarneq UNESCO nunarsuarmiut kingornussassaqarfianut Aasivissuit-Nipisat-ni kulturikkut kingornussatsinnik ingerlatsinerup nukittorsarneqarnera aamma takornarialerivimmik sanaartorneq



Maniitsumi Sisimiunilu umiarsuarnut takornariartaatunut ilaasut amerlassusaat



Qeqqata Kommuniani hotellini unnuisut




- Katillugit
- Kalaallit Nunaanniit
- Danmarkimiit
- Nunat allat sinneriniit

### **KISITSISITIGUT PAASISSUTISSAT**

- 8: Suliffiit naapertuuttut aningaasarsionnikkullu siuariartorneq
- 9: Suliffissuit, nutaaliorneq attaveqaasersuutillu
- 11: Inoqarfiit piujuartitsiffiusut
- 17: Suleqatigiinnikkut anguniagaqarneq

Qeqqata Kommuniani ukioq kaajallallugu takornariaqarneq





# SISIMIUT



Kommunimi Sisimiut illoqarfiit annersarivaat Kalaallit Nunaannilu illoqarfiit annersaasa tulleralugu Sisimiut inuusuttunut ilinniarfissaqarluni, teknikkikkut ilinniarfissaqarluni hojskoleqarlunilu illoqarfittut ilinniartoqarfittut siuariartortuuvuq. Illoqarfik aammattaaq Kalaallit Nunaanni raajalerinermik suliffissuarmik annerpaamik peqarluni aalisarnermut pingaarutilimmut umiarsulaveqarfiusumut angerlarsimaffiuvoq. Illoqarfimmiit nunap timaanut ukioq kaajallallugu takornariatuulli sumiiffimi innuttaasunit qimussernermut, qamuteralaneremut, piniarnermut, pisunnermut, sioraaserluni timersornermut allarpasuarnullu atorluarneqartartumut ajornangitsunnguamik appakaaffissaqarpoq.

Takornariaqarnermik inuussutissarsiordermi ineriartornermut pilersitsinissamut nunap timaani periarfissat atorluarneqarnissaat suli sulissutigineqassapput. Takornariaqarnermik ineriartortitsineq aammattaaq hotellinut nutaanut sanaartornissamut sanaartorfissanik immikkoortitsinikkut tapertalerneqassaaq. KTI-mik DTU-millu annertusaaneq ilanngullugu ilinniartoqarfinnik ineriartortitsineq ukkatarineqassaaq, kommunimi ilinniarfinnik neqeroorutaasinnaasunik qaffaajumaartussaq. Akiani inissiaqarfissatut pilersaarutaasunik sanaartorfissagissaanermik ingerlatitseqqiinnikkut inissianik sanaartornissamut sanaartorfissanik nutaanik ujartuineq ilassilluarneqassaaq, aammali immikkoortumi sukisaarsaarfissaqissumut ukiuunerani ujakkaarnermi illinilorfigisartuusumi appakaaffissalimmik Nalunguarfiup kujammut kitaatungaani najugaqarfissamik nutaamik nunaminertamik immikkoortitsisoqassaaq. Nalunguarfiup ujakkaartarfiullu eqqaani sukisaarsaarnissamut periarfissaasut nutaamik pilersaarutitut tunngavissamik

qulakkeerneqassapput. Sisimiut eqqaani assersuutigalugu Sallinnguani nunaminertanut sukisaarsaarfissaqissunut appakaannissaq pisuinnaat aqutaannik ikaartarfinnillu pilersitsinissamut periarfissinikkut innuttaasunut takornarianullu amerlanerusunut pitsanngorsarneqassapput. Qimussernermik kulturi illersorneqassaaq aammalu illoqarfimmi atuuffinnik sulianillu aaqqiagiinnngiffiunngitsumik qimmilivinnik inissiinnikkut qulakkeerneqassaaq. Pisuinnarnut cykkilertunullu angallannikkut pissutsit pitsaanerulersinneqassapput aammalu illoqarfiup qiterpasissuani biilnut inissiisarfinnik amerlanerusunik pilersitsisoqarumaarpoq. Illoqarfiup qiterpasissuani inissiaqarfiit toqqakkat illoqarfiullu ilua illoqarfimmi kusassaanermik suliniutit atorlugit kajungernerulersinneqassapput. Sisimiuni Napparsimmavimmik nutarsaanermik illumik alliliinermik napparsimmaviullu atuuffiinnik malunnaatilimmik pitsannguineramik ilaqartussamik aallartitsisoqassaaq.

Umiarsualivimmi atugassat ima ineriartortinneqassapput, sualummik aalisarnermut takornariaqarnermullu inuussutissarsiordermi iluaqutaasumik sunniutilimmik atuissamut qulakkeerisumik. Ikuallaavimmik nutaamik avatangiisinullu ajoqutaannginnerusumik sanaartortoqassaaq, Sisimiuniit sinerissamilu illoqarfinnit eqqakkanik ikuallaasinnaasussamik aammalu Sisimiuni eqqakkanit ungasianit kiassarnermut tunisassiornermik qaffaasussamik. Anartarfilerisarneq atorunnaarsinneqarnissaa siunertaralugu kuuffissuarnik annertusaaneq ingerlateqqinneqassaaq aammalu illoqarfimmut qanittumi imaani avatangiisinik sunniutinut/mingutsitsineremut annikillilisussamik imikumik saliineramik pilersitsinissamut pisariaqartitsisoqarnersoq misissorneqassaaq.




# SARFANNGUIT ITILLERLU

Sarfannguut Amerlup qinnguani sarfarnersami inissisimavoq aammalu Ikertuumut appakaaffissaqarluni, illuatungaani Itilleq Itillip Iluata anigguani qeqertami inissimavoq kujammut sermeq iigartartunik qaqqanut kusanartunut isikkiveqarluni. Nunaqarfinni marluusuni aalisarneq piniarnerlu pingaarnertut inuussutissarsiutaapput. Sarfannguut UNESCO nunarsuarmi kingornussassaqarfimmut Aasivissuit-Nipisat-mut ilaavoq. Nunarsuarmi kingornussassanut allattorsimaffimmi immikkoortumik akuersissuteqarneq nunaqarfimmi takornariaqanermik periarfissanik nutaanik pilersitsinikuvoq, ilaatigullu immikkoortup nunarsuami kingornussassaananerani nalunaartumik pavillion-imik igalaaminermik sanaartortoqarnikuulluni. Sarfannguani Itillimilu takornariaqarnermi periarfissat nukittorsarneqassapput. Itillimi kangerlup anigguani nunaqarfiup inissisimanera iluaqutigineqarsinnaavoq, tassani umiarsuarnut takornariartaatinut Nipisanut tikerartut amerlanerulertussaasutut naatsorsuutaasumi aqqusaarnissamut pitsaasunik periarfissaqarluni. Sarfannguani nunarsuarmi kingornussassaqarfimmi ingerlatsineq ukkatarineqassaaq, ukiunilu tusindilikkaani tutunuk aavarneq immikkoortumi innuttaasut inuuginnarnissaannut tunngaviusimasoq pillugu inuttaasut ilisimasaannik atuinermut annertuunik periarfissaqarpoq.



Tamatuma saniatigut Sisimiut Kangerlussuullu akornanni nunaannarmi aqqusineramik pilersitsinerup malitsigisaanik, Arctic Circle Trail-imik allangortitsineq nunaqarfimmut pisulluni takornarissanik amerlanerulersitsissaaq. Nunaqarfinni marluusuni illunik atorneqanngitsunik isaqqajaasunillu arlalissuarnik peqarpoq. Taakkunanga torersaaneq nunaqarfinnik kusassaataassaaq nunaminertallu siunertanut allanut atorneqarsinnaalissallutik. Imermut errortuutikumut pilersaarutissamut aallaaveqartussaasumik,

nunaqarfinni marluusuni imermik errortuutikumik suliaqartarneq pitsaanerulersinniarlugu suliaqartoqarpoq. Sarfannguani anartarfilerinermit imaarsisarfik sanaartukkanit ungasinnerusumi inissisimaffimmut nuunneqassasoq naatsorsuutaavoq. Nunaqarfinni marluusuni ikuaaaveeqqanik nutaanngitsunik ullutsinnut naleqqukkunnarnikunik ingerlatsisoqarunnaarnikuvoq. Eqqakkat ullumikkut poortorneqartarput Sisimiunilu suliaqarqitassanngorlugit nassiunneqartarlutik. Aaqiineq taanna ullumikkut Qeqqata Kommunit ataatsumoorussamik eqqagassalerineramik selskabiannut ESANI a/s-imut tunniuttussaavoq. Eqqagassanik suliaqartarnermut periuermut nutaamut atatillugu nunaqarfinni marluusuni nunaqarfimmi eqqakkanik poortuisarnissamut aammalu paarineqarnerisa aaneqarnissaasalu akornanni atortussanik piareersaasoqassaaq. Tamatuma saniatigut atortulersuutit talittarfimmilu atugassat tulluarsarneqassapput, taamaalilluni umiarsuakkoortitsineq sapinngisamik sunniuteqarluartumik ingerlasinnaassalluni.



# KANGERLUSSUAQ



Kommunimi nunaqarfiusuni arfiniliusuni Kangerlussuaq anginersaavoq. Nunaqarfik Kalaallit Nunaata kitaanut tamarmut angalasunut isaaffiusutut atuuffeqarluni ullumikkut imarpik qulaallugu mittarfugami pingaarutilimmik atuuffeqarpoq, kommunimuinnaangitsaq, Kalaallit Nunaannullit tamarmut. Kangerlussuaq aammattaaq nunap iluani timmisartukkuut angallaneq tamaat ataqatigiilersippaa. Ukiut marlussuit ingerlaneranni Kalaallit Nunaanni nunat tamalaat akornanni mittarfissuarnik marlunnik Nuummi Ilulissanilu pilersitsisoqassaaq. Tamatuma kingorna Kangerlussuaq pingaarnertut isaavittut atuuffeerutissaaq. Taamaattorli mittarfik ingerlaannassaaq, taamaattumillu Kangerlussuarmi eqqaanilu takornariaqarnermik ineriartortitsinissamut annertuumik periarfissat suli nassaassaapput, nunatarujussuarnut sersersuarmillu ajornangitsumik appakaaffissaqarneq pissutaalluni. Tammajuitsussarsiorluni piniarneq, qimussimik angallassinermik aammalu Sersersuarmut angalaarnernik neqerooruteqarpoq. Ukiuni kingullerni Arctic Circle Trail aqutugalugu pisuttut amerlassusaat malunnaatilimmik qaffariarnikuupput aammalu aqputaani aqqummik atugassanillu pitsanngorsaarnermik ingerlaavartumik sulisoqarpoq. UNESCO nunarsuarmi kingornussassaqarfianut appakaassinnaaneq ingerlatsinerlu pitsaernerulersinneqassapput aammalu Sisimiut Kangerlussuullu akornanni nunaannarmi aqqusineq inaarsanneqassaaq, nunap timaani hotellinik illuaqqanillu unnisarfinnut aningaasaliisartunut periarfissiissalluni. Kangerlussuaq sumiiffimmi inuussutissarsiutilinnut iluaqutaasumik nunarsuaq tamakkerlugu aqqqissuussanut annertuunut atornerqarnikuuvoq, aqqqissuussanillu annertuunik qammaanissamut kommuni suliaqarniarpoq.

Kangerlussuarmut piniartarfinnut annertuunut appakaaffisaqarpoq aammalu piniarnermik ingerlatsineq atulluurtuusumik inuussutissarsiutillu soqutigisaanut isiginnittumik ingerlanissaa qulakkeerneqassaaq. Kangerlussuaq Sersersuup qanittuani inissisimaneera atortulersuutillu siammasissunerinut, ukiorpasaruarni ilisimatusarneq nunaqarfimmi qitiusumik ingerlanneqarnikuuneranut peqataanikuuvoq. Qeqqata Kommuniata siunissami immikkoortumi ilisimatusarnermik sulianut atugassanut sullissinermi neqeroorutinik ineriartortitsinermi suli tapertaanissaaq kissaatigivaa. Tamatuma saniatigut upalungaarsimanermut ilinniartarfimmik pilersitsisoqassaaq Folketingip akuersissutiginiqkuuaa, tamatumalu Kalaallit Nunaanni inuusuttut upalungaarsimanerup imaluunniit illersornissap iluani ilinniarnissamut periarfissippai.

Nunaqarfimmik ineriartortitsineq mittarfiup kujammut sammisiani ingerlateqqinneqassaaq. Taamaattorli nunaqarfiup Hassel Fjeld-imi avannamut ineriartortinneqarsinnaaneranut ammaasoqassaaq, taanna ilaatigut hotellinik aamma UNESCO takornarialeriffisanik pilersitsisinnaanemut periarfissiissammat. Nunaqarfiup atuuffiisa paariinnarneqarnissaanut attavilersuutit aserfallatsaalineqassapput ullumikkullu Namminersorlutik Oqartussat akisussaaffeqarfigisaannik eqqakkanik suliaqartarnek pillugu ajornartorsiutaasoq ESANI suleqatigalugu umiarsuakkoortitsinikkut aqqqiiffineqassaaq.





Iliveqarfiup arsaattarfullu tungaanut aqqusineramik sanaartorneq

Arsaattarfik ivigaaraasoq

Eqqakkanik tigooraavik

Umiarsualivimmi atugassanik pitsannngorsaaneq

Atuarfimmik nutarsaanermik inaarsaaneq

# KANGAAMIUT

Kangaamiut Kangerlussuatsip anigguani qeqertami inissisimavoq aammalu Kangaamiut kaajallallugu avatangiisit pinngortitanik nalissaqanngitsunik peqarput. Helikopterimiit sisorarnermut periarfissat nalissaqanngitsut misissorniarlugit takornarissat ullumikkut tikittarput, aammali assersuutigalugu Kangerlussuatsiamut aalisariarnermik, pisulluni angalanermik aamma tammaarsimaanermillu ilalerlugu Kangaamiunik aallaavilimmik takornarissanut misigisassanik nalissaqanngitsunik neqerooruteqarnissamut annertuunik periarfissaqarpoq. Takornarissat amerlialuttuinnarneratigut Kangaamiuni inissikkallartarnissamut pisariaqartitsinermik aamma kinguneqassaaq.

Nunaqarfimmi ullumikkut illuni inoqanngitsunik isariaannarnillu arlalinnik peqarpoq. Taakkunannga torersaaneq nunaqarfinnik kusassaataassaaq nunaminertallu siunertanut allanut atornerqarsinnaalissallutik. Arsaattarfimmik ivigaaraasumik naammassisamik pilersitsinikkut kiisalu iliveqarfimmut aqqusineq appakaaffissaaq naammassillugu sananeqareerpat,

nunaqarfinni timersornermut sunngiffimmilu neqeroorutit nukittorsarneqarsinnaassapput. Atuarfimmik nutarsaasoqassaaq atuarfiullu saniani meeraateqarfimmik nutarsaanissaq alliliinissarlu pilersaarutaavoq.

Ikuallaavitoqaq atorunnaarnikuuvoq. Eqqakkat ullumikkut poortorneqartarput suliareqqitassanngorlugillu Maniitsumut nassiunneqartarlutik. Aaqqiineq taanna ullumikkut Qeqqata Kommunianit suliarineqartarpoq, eqqakkanilli assartuisarneq kommunit ataatsimoorussamik eqqagassalerineramik selskabiannut ESANI a/s-imut tunniuttussaavoq. Eqqagassanik suliaqartarnermut periuusermut nutaamut atatillugu nunaqarfimmit eqqakkanik poortuisarnissamut aammalu paarineqarnerisa Sisimiunut ingerlateqqinneqarnissaanut aaneqarnissaasalu akornanni atortussanik piareersaasoqassaaq. Tamatuma saniatigut atortulersuutit talittarfimmilu atugassat tulluarsarneqassapput, taamaalilluni umiarsuakkoortitsineq sapinngisamik sunniuteqarluartumik ingerlasinnaassalluni. Imermut errortuutikumut pilersaarutissamut aallaaveqartussaasumik, imermik errortuutikumik suliaqartarneq pitsaanerulersinniarlugu suliaqartoqarpoq.





# MANIITSOQ

Kommunimi illoqarfiit annersaata tullia tassaavoq Maniitsoq sanaartukkallu ilarpassui qeqertat akornanni immiinikkut sanaartugaapput. Illoqarfik taassumalu attavilersuutai nunatami maniilakuluttumi katersuussimapput, illuatungaani kangimut kujammullu nunavimmut kusanartumik isikkiveqarlutik qaqqat qaavi amerlasuut najugaqarfissiatut orniginartutut atorqarput.

Aalisarnej illoqarfimmi suli pingaarnertut inuussutissarsiutaavoq taamaattumillu aalisarnerup iluani Maniitsup periarfissai atorluarneqassapput aamma umiarsualivimmik atuinermik tapertaasut umiarsualivimmi atugassat ineriartortinneqassapput. Umiarsualivimmik atuisut tamarmik nunaminertat torersuutinneqarnissaanut akisussaatinneqarnissaat pingaaruteqarpoq. Immikkoortumi periarfissat pillugit innuttaasut suliniutaannik sanarfisumik inuussutissarsiornermik siammasissumik toqqammavilimmik ineriartortitsisoqarnissaanut Arctic Circle Business peqatigalugu sulisoqassaaq.

Kusassaanikkut allannortitsinikkullu inissiaqarfiit illoqarfiullu iluanik orniginarnerulersitsinissamik sulisoqassaaq. Illoqarfiup qeqqani atuuffiit paariinnarneqarnissaanut inerisarnejarnissaanullu qulakkeerinneqataasussamik illoqarfiup qiterpasissuanut pilersaarummik suliaqartoqassaaq. Salliarnartap eqqaani inissarsuit nutaanngitsut eqqaanni inissiaqarfimmik

nutaamik pilersaarusiortoqassaaq aammalu ullumikkut illut inoqanngitsut isariaannaallu inissisimaffigisaanni nutaamik sanaartortoqarsinnaaneranut sulisoqassaaq. Taamaaliornikkut annertusaaneq pinnagu illoqarfimmik eqiterussinikkut illoqarfimmik ineriartortitsineq pissaaq, tamanna attavilersuutit pilersuineri atorlulersuutit pioreersut atorluarneqarneratigut periarfissiivoq. Ungasinnerusooq isigalugu avammut kangimut illoqarfiup immikkoortuanik nutaamik illoqarfik annertusarneqarnissaanut periarfissaqarpoq. Illoqarfiup meeqqat atuarfia nutarsarneqassaaq aammalu kuuffissuit aqputaannik annertusaaneq ingerlateqqinneqassalluni. Sisimiuni ikuaallaavissamut nutaamut assartorneqartussaasunik eqqakkanik suliaqartarnermut periutsimik nutaamik pitsanngorsaanissamut atugassanik piareersaasoqassaaq. Eqqaavissuarmik torersaasoqassaaq maannakkullu ikuaallaavisoq atorunnaarsinneqarluni. Paarlattuanik sinerissamit illoqarfimmi kissamik pilersuisuusussamik uuliakunik tigooraasussamik uuliakoormi atorlulersuummik pilersitsinissamik sulisoqassaaq.

Sarfani sisorartarfimmu ukiuunerani annertunersumik tammaarsimaafittut amerlasuunit atorqartartuusumut aqputimik pilersitsinikkut Maniitsup illoqarfiata eqqaani pinngortitat qanittumiittunut tikissinnaaneq misigisaqarsinnaanermullu periarfissaq pitsaanerulersinneqassaaq. Aqputissamik pilersitsinermut atatillugu qaartiterutissaasivik nuunneqassaaq, tamannalu inuussutissarsiuteqarfimmik ineriartortitsinnaanermut periarfissanik pilersitsissaaq.



# ATAMMIK NAPASORLU

Atammik kommunimi nunaqarfinni kujallersaavoq aammalu Niaqunngunap anigguani inissisimalluni. Napasoq innuttaasut amerlassusaat malillugit kommunip nunaqarfiini minnersaavoq aammalu Kangiata kangerluata anigguani Maniitsup Napasullu akornanni inissisimasuusumi qeqertami inissisimalluni. Nunaqarfinni marluusuni aalisarnermut piniarnermullu pitsaasunik periarfissaqarpoq soorluttaaq inuussutissarsiutit annersarigaat innutaasullu pingaarnertut isertitaannut tunngavisuusut.

Nunaqarfiit marluusut eqqaanni avatangiisit pinngortitanik nalissaqanngitsunik peqarput. Taamaattumik suliffissaqarniarnermut tunngavinnik pilersitseqataasinnaasunut takornarissanut misigisassanik nalissaqanngitsunik neqerooruteqarsinnaanermut annertuunik periarfissaqarpoq. Takornariaqarnermik ineriartortitsinissamut periarfissaq assersuutigalugu Maniitsumi takornarialerisunik suleqateqarluni ingerlasinnaavoq.

Nunaqarfinni timersornermut sunngiffimmilu neqeroorutit arsaattarfinnik ivigaaraasunik pilersitsinikkut nukittorsarneqarsinnaassapput. Nunaqarfinni marluusuni illunik atorpeqanngitsunik isaqqajaasunillu arlalissuarnik peqarpoq. Taakkunannga torersaaneq nunaqarfinnik kusassaataassaaq nunaminertallu siunertanut allanut atorpeqarsinnaalissallutik. Nunaqarfinni inuusuttunut inissianik sanaartornissaq tamaviaarutigineqassaaq.



Imermut errortuutikumut pilersaarutissamut aallaaveqartussaasumik, nunaqarfinni marluusuni imermik errortuutikumik suliaqartarnek pitsaanerulersinniarlugu suliaqartoqarpoq. Nunaqarfinni marluusuni ikuaallaaveeqqanik nutaangitsunik ullutsinnut naleqqukkunnarnikunik ingerlatsisoqarunnaarnikuuvoq. Eqqakkat ullumikkut poortorneqartarput suliareqqitassanngorlugillu Maniitsumut nassiunneqartarlutik. Aaqqiineq taanna ullumikkut Qeqqata Kommunianit suliarineqartarpoq, eqqakkanilli assartuisarnek kommunit ataatsimoorussamik eqqagassalerinermik selskabiannut ESANI a/s-imut tunniuttussaavoq. Eqqagassanik suliaqartarnermut periusermut nutaamut atatillugu nunaqarfinni marluusuni nunaqarfinni eqqakkanik tigooraanissamut aammalu paarineqarnerisa aaneqarnissaasala akornanni atortussanik piareersaasoqassaaq. Tamatuma saniatigut atortulersuutit talittarfimmilu atugassat tulluarsarneqassapput, taamaalilluni umiarsuakkoortitsineq sapinngisamik sunniuteqarluartumik ingerlasinnaassalluni.



## Kommunip pilersaarusiortifigineqarnerata nutarsarneqarneranit kingullermit pilersaarusiortnermut killiffimmit takussutissiaq

2012-imit 2024 tungaanut kommunip pilersaarusiortifigineqarnerata akuersissuteqarneranit, kommunalbestyrelsi kommunip pilersaarusiortifigineqarnerani tapiliussanik immikkoortunullu pilersaarutinik arlalinnik akuersissuteqarnikuvoq. Pilersaarutit ilaatigut pisiniarfinnik qiterisaqarfinnullu, inuussutissarsiorfinnik, najugaqarfinnik, attavilersuutinik nutaanik takornariaqarnermilu inuussutissarsiuutinik ineriartortitsinissamat periarfissanik pilersitsinikkupput.

Kommunip pilersaarusiortifigineqarneranit akuersissuteqareernerup kingorna atuuttutut aallartineqartutulluunniit nalunaarutigineqarnikuusut kommunip pilersaarusiortifigineqarnerani tapiliussanut immikkoortunullu pilersaarutinut takussutissiaq matuma kinguliani takuneqarsinnaavoq.

Immikkoortunut pilersaarutit

Imermut errortuutikumut pilersaarut 2021 – 2026 (Piffissamat 2027 – 2033)

Eqqagassanut pilersaarut 2017 – 2020 (Piffissamat 2021 – 2028)

Kommunip pilersaarusiortifigineqarnerani tapiliussaq

Inoqarfik	Kommunip pilersaarusiortifigineqarnerata taaguutaa	Nr.	Immikkoortup ilaa	Killiffik
Sisimiut	Fritidsområde øst for Sisimiut/ Sisimiut kangiatungaani sunngif-fimmi sammisassaqtitsivik	1	800-D19	Akuersissutigineqartoq 28.02.2013
Sisimiut	Den gamle bydel/ Sisimiuni Illoqarfiup pisoqartaa	2	800-A60, -A61, -C1, -C25, -D16, -D17	Akuersissutigineqartoq 05.06.2013
Sisimiut	Område til boligformål ved udsigten/ Kaalikassaap Aqquserngani najugaqarfiit isikkivillu.	3	800-A10	Akuersissutigineqartoq 19.08.2013
Sisimiut	Det østlige havneområde i Sisimiut/ Sisimiuni talittarfiup kangisissortaa	5	800-B2	Akuersissutigineqartoq 04.12.2014
Sisimiut	Øvelsesområde for Råstofskolen ved Amerloq i Sisimiut/ Amerlup nalaani Aatsitassanut ilinniarfimmumt sungiusartarfissaq	6	800-E5	Akuersissutigineqartoq 04.12.2014
Det åbne land	Trofæjagtområder ved Kangerlussuaq/ Kangerlussuarmi tammajuitsussarsitsiniarluni piniariartitsiviit	7	O3.1 – O3.12	Akuersissutigineqartoq 25.09.2015
Sisimiut	Detailområde til udbygning af bycentret ved Brugseni og Tele Post/ Brugseni Tele Post-illu eqqaani illoqarfiup qiterpasissuata ineriartortin-neqarnissaanut pilersaarut.	8	800-C.2.2	Akuersissutigineqartoq 27.02.2014
Sisimiut	Bycenteret i Sisimiut/ Sisimiut illoqarfiata qiterpasissortaa pillugu	10	800-C2	Akuersissutigineqartoq 23.11.2018

Maniitsoq	Handicapboliger og handicapcenter m.v. på Ataqqaq Aqq. og Ole Petersen-ip/ Maniitsumi Ataqqaq Aqqutaani kiisalu Ole Petersen-ip Aqqutaani innarluutilinnut inissiaqarfik aamma innarluutilinnut centeri	11	700-A7	Akuersissutigineqartoq 26.02.2015
Sisimiut	Handicapboliger og handicapcenter på Deichmannip Aqq./ Sisimiuni Deichmannip Aqqutaani innarluutilinnut inissiat aamma innarluutilinnut centeri	12	800-A5	Akuersissutigineqartoq 26.02.2015
Sisimiut	Ældreboliger ved Nikkorsuit/ Sisimiuni Nikkorsuarni utoqqarnut inissiat	13	800-A52	Akuersissutigineqartoq 27.02.2014
Maniitsoq	Alsidige bolige på Ivissuaateralaa/ Maniitsumi Ivissuaateralaa-ni inissiat tamatiqoortut	14	700-A3	Akuersissutigineqartoq 26.02.2015
Sisimiut	Boligområde på Akia/ Sisimiuni Akiani nutaanik ineqarfissiasaq	15	800-A22, -A23, -A27	Akuersissutigineqartoq 27.02.2014
Maniitsoq	Område til fællesformål med plejehjem og ældreboliger, handicapboliger, samt butik/ Siunertanut ataatsimoorussanut immikkoortoq – Utoq-qaat Illuat utoqqarnullu inissiat, Innarluutilinnut inissiat kiisalu pisiniarfik.	16	700-C1	Akuersissutigineqartoq 27.02.2014
Kangerlussuaq	Koldklima testcenter for biler m.v./ Kangerlussuarmi Biilnut il.il. issittumi misileraavissaq	17	820-B3	Akuersissutigineqartoq 28.05.2015
Kangerlussuaq	Cargocenter Kangerlussuaq/ Kangerlussuarmi nassiussaleriffik	18	820-B7	Akuersissutigineqartoq 28.04.2015
Sisimiut	Boligområde og område til fælles formål på Akia/ Sisimiuni Akia-ni najugaqarfissiamut ataatsimoorussamillu siunertanut	19	800-A26, 800-C15	Akuersissutigineqartoq 22.02.2018
Kangerlussuaq	Kangerlussuaq ny havn/ Kangerlussuarmi umiarsualivik nutaaq	20	820-B9	Akuersissutigineqartoq 23.02.2017
Det åbne land	Hytteby ved Israndssøen/ Isunnguata tasiata eqqaani illuaraqarfik	21	957-L1, 957-K58	Akuersissutigineqartoq 24.09.2015
Det åbne land	Naturvej mellem Sisimiut og Kangerlussuaq/ Sisimiut Kangerlussuallu akornanni nunaannakkut aqqut	22	957-N7	Akuersissutigineqartoq 15.06.2017
Sisimiut	Tech College Sisimiut – og grønne forbindelser/ Sisimiuni Tech College – qorsooqqissullu	23	800-C11, 800-D15	Akuersissutigineqartoq 25.02.2016
Sisimiut	Erhvervsområde ved Ulkebugten/ Sisimiuni Kangerluarsunnguami inuussutissarsiuutinut siunertanut immikkoortoq	24	800-B8	Akuersissutigineqartoq 24.08.2017

Sisimiut	Område til fælles formål og til boliger på Akia/ Sisimiuni Akiani ataatsimut siunertanut, najugaqarfissianullu	25	800-A30, 800-C18	Akuersissutigineqartoq 22.02.2018
Kangerlussuaq	Boligområde og centerområde syd for landingsbanen i Kangerlussuaq/ Inissiat nunaminertallu ataatsimoorussat	26	820-A7, 820-C2.1, 820-C2.2	Akuersissutigineqartoq 15.06.2017
Det åbne land	Koncessioner til ørredelve i Qeqqata Kommunia/ Qeqqata Kommuniani eqalunniarnissamat akuersissutit	27	957-O4	Akuersissutigineqartoq 28.08.2015
Det åbne land	Hotel og hytteområder ved Russel Gletcher og ved Sugar Loaf/ Kangerlussuarmi Russels Gletcher-imi, Sugar Loaf-amilu unnuisarfeqarfissamat illuaraqarfissamullu	29	957-L1, -K55, -K56, -K59	Akuersissutigineqartoq 22.02.2018
Det åbne land	Koncession til skiområder ved Sukkertoppen iskappe nord for Maniitsoq/ Qeqqata Kommuniani Maniitsup avannaatungaani Sermersuarmi sisorartitsilluni nunatanut akuersissut	30	957-O7	Akuersissutigineqartoq 26.10.2017
Sisimiut	Kirkegård på Qaarinneq/ Qaarinneq-mi Iliveqarfik, Sisimiut	32	800-D20	Akuersissutigineqartoq 24.08.2017
Sisimiut	Udvidelse af Sømandshjemmet og Kalaallit Guest House/ Sømandshjemmip Kalaallit Guest House-llu allilerneqarnissaat pillugit	33	800-C25	Akuersissutigineqartoq 28.05.2020
Maniitsoq	Ny boligbebyggelse og anlæg til fælles formål ved Tikaasaq, Gl. Heliport/ "Maniitsumi Tikaasami Heliportitoqqami siunertanut ataatsimoorussanut inissiassanik nutaanik atortulersuutinillu sanaartornissaq" pillugu	34	700-A18	Akuersissutigineqartoq 23.02.2018
Maniitsoq	Boligområde ved Ungusivik/ Maniitsumi Ungusivik-mi najugaqarfissiamut	35	700-A17.2	Akuersissutigineqartoq 24.08.2017
Sarfannguut	Bygden Sarfannguut/ Sarfannguanut	36	803-A1, -B1, -C1, -C2, -D1, -E1, -E2, -F1	Akuersissutigineqartoq 30.08.2018
Sisimiut	Den vestlige del af Sisimiut Havn/ Sisimiut umiarsualiviata ilaata kippasissortaanut	37	800-B1	Akuersissutigineqartoq 28.02.2019
Sisimiut	Et område til boliger på Akia/ Sisimiuni Akiani inissianut immikkoortumut	39	800-A30, 800-A20.2	Akuersissutigineqartoq 28.08.2020

Sisimiut	To områder til turist- og fritidsaktiviteter i Sisimiut/ Sisimiuni immikkoortunut marlunnut takornarissanut sunngiffimmilu sammisanut	41	800-D13, 800-D14	Akuersissutigineqartoq 29.05.2019
Maniitsoq	Udvidelse af havnearealer i Maniitsoq/ Maniitsumi umiarsualiviup nunataanik alliliinissamat	42	700-B6, -B7, -E4	Akuersissutigineqartoq 28.08.2017
Sisimiut	Et område til erhverv med særlige beliggenhedskrav i den sydlige del af Sisimiut/ Sisimiut kujataani inuussutissarsiuutinut immikkut inissinneqarnissamik piumasaqaatitalinnut immikkoortorta.	43	800-E4	Akuersissutigineqartoq 28.11.2019
Sisimiut	Område til offentlige formål – bibliotek og musikskole/Tamanit atornerqarsinnaasunut siunertalinnut - atuakkanik atorniartarfik nipilersornermullu ilinniartissamat	49	800-C8	Akuersissutigineqartoq 23.11.2017
Kangerlussuaq	Byudvikling på Hassel Fjeld, Kangerlussuaq/ Hassell Fjeldimi illoqarfimmik ineriartortitsineq,	47	820-A10-A16 820-C4-C8 820-D29-D31 820-E6, -E9, -E10	Akuersissutigineqartoq 23.06.2022
Sisimiut	Område til fælles formål – kollegier i Sisimiut/Ataatsimut siunertanut kommunip pilersaarusiortfigineqarneranut	51	800-A14	Akuersissutigineqartoq 13.12.2017
Maniitsoq	Kirkegård i Maniitsoq/Maniitsumi iliveqarfik	52	700-D8	Akuersissutigineqartoq 25.02.2021
Det åbne land	Koncessionsområder ved Aqutikitsoq og Ungalliup nord for Sisimiut/Sisimiut avannaatungaanni Aqutikitsumi aamma Ungalliup Qaqaanni Nunamik immikkut atuisinnaanermut	55	957-L5, -K1, -K90, -K91, -K92, -K100, -N1, -N2, -N8, -N9	Akuersissutigineqartoq 23.11.2018
Det åbne land	Etablering af hytter i Qeqqata Kommunia/Qeqqata Kommuniani illuaqqiorfissat pillugit	56	957-K1-K44 957-O6	Akuersissutigineqartoq 17.07.2020
Det åbne land	Hotel- og hytteområder langs vejen mellem Sisimiut og kangerlussuaq/ Kangerlussuup Sisimiullu akornanni aqqusineq sinerlugu unnuisarfissat illuaraqarfissallu pillugit	58	957-L6, 957-K61-K67	Akuersissutigineqartoq 28.02.2019
Sisimiut	Et hytteområde ved Asummiunut/ Sisimiuni Asummiuni illuaraqarfimmut	59	800-D12	Akuersissutigineqartoq 27.09.2018

Maniitsoq	Udvidelse af havnearealer i Maniitsoq/Maniitsumi umiarsualivimmi nunaminertat annertusineqarnissaat pillugit	61	700-B6, -B7, -E4	Akuersissutigineqartoq 27.09.2018
Maniitsoq	Område til handicapinstitution og handicapboliger centralt i Maniitsoq/Maniitsumi illoqarfiup qiterpasissortaani innarluutilinnut sullissivimmumt innarluutilinnullu inissianut immikkoortorta	62	700-A7, 700-C1	Akuersissutigineqartoq 12.08.2021
Sisimiut	Område til boliger, hotel og rekreative aktiviteter ved Kussangasup Qoorua/ Kussangasup Qooruani inissianut, hotellinut sulianullu sukisaarsaaffissaqqissunut immikkoortoq	50	800-C23, -C24, -A19, -D21	
Sisimiut	Område til hotel eller institution ved Paaraarsuk/ Paaraarsuup eqqaani hotellimut paaqqinnittarfimmulluunniit immikkoortoq	64	800-C12	
Maniitsoq	Teknisk område til elværk, forbrændingsanlæg, modtagerstation og nødleværk/ Maniitsumi innaallagissiorfimmumt, ikuallaavimmumt aamma sillimmatitut innaallagissiorfimmumt teknikkikkut immikkoortoq	79	700-E6	
Sisimiut	Centerområde ved Regionssygehus Sisimiut/ Nunap immikkoortuani napparsimmaviup eqqaani qiterisaqarfik Sisimiut	63	800-C4	

